

卷三期

靈空學要誌

北京悟善社發行

## 悟善社廣告

靈學要誌一書貫澈三教眞理堪供靈哲學家之研究其間所言性命因果尤足勸世化俗且售價贏餘悉數作爲慈善事業之用並非營利性質零售每期大洋四角凡預訂全卷者（全卷分十二期）納費大洋四元先行惠寄由本社給以收據爲憑按期陸續寄奉續閱者再行續訂如能定購多份轉贈他人以廣傳播功德尤爲宏大

靈學要誌第一卷第三期目錄

靈學要誌王叙

乩畫乩字類

孚佑帝君報身畫像

孚佑帝君自題報身像贊

孚佑帝君化身畫像

孚佑帝君自題化身像贊

長樂金仙乩繪蘭因

長樂金仙乩繪三生石

孚佑帝君乩書對聯

孚佑帝君乩字

岳忠武王乩字二幅

洪仙乩字

李仙乩字

魯仙乩字

董仙乩書祖師二字

劉仙乩書覺世牖民四字

劉仙乩書卽此是道四字

劉仙乩書善與人同四字

序文類

目錄

目錄

孚佑帝君弁言

論著類

孚佑帝君訓悟善社文

孚佑帝君南華經釋義

碧眼仙子論詩境

觀音大士關聖帝君端木夫子孚佑帝君合作釋諦

李仙駢儷小品

風徽伯鬼神語六

詩詞類

計六十六首

唱酬類

計四十七首

記事類

自庚申正月初六日起至二月二十六日止

靈蹟類

謁張天覺

武昌鬻梳

武昌賣墨

墨化成金

附錄類

藍采和祖師昭通師弟辨難

孚佑帝君訓諭

關聖帝君識破生死關頭說

陳仙勸及時宜盡孝文

目錄

目 錄

又 又



二 六  
行 行



靈學要誌叙

孟子言性善而取譬於孺子入井。謂人人見之皆有怵惕惻隱之心。是心也。仁心也。亦卽善心也。仁之所施者隘。謂之小善。仁之所施者廣。謂之大善。善一而已。故一念之善。擴而充之。足以包乎萬物之衆。一事之善。推而暨之。可以覃乎四海之遙。夫亦視乎爲善與不爲善而已。今之世。何世。今之時。何時。乎。東薄大海。西抵秦隴。南包伊洛。北極燕趙。夷於兵。毀於匪。饑餓於旱。魃蝗螟風雹之災。其爲井也。方數千百里。其爲孺子也。都千數百萬。人凍餒流離。其匍匐就死之狀。殆有甚於入井者。吾獨怪夫世之爲監河侯者。非無怵惕惻隱之心也。乃不爲朝夕升斗之謀。而侈言遠挽西江之水。以相救。其不索之於枯魚之肆。而爲莊子所竊笑者。幾希。悟善社者。神之託於人。以勸天下之善。而爲民請命者也。都中人士。慨世道之日非。觀生民之塗炭。傷心蒿目。莫可如何。爰取聖人神道設教之意。以覺斯世而警斯民。而同人樂善不倦。以承神教者。集巨貲。振急



困。數。且。至。於。數。十。萬。若。有。莫。之。爲。而。爲。莫。之。致。而。致。者。焉。嗚。呼。何。其。神。也。抑。吾。聞。之。傳。曰。天。道。遠。人。道。邇。此。爲。治。世。言。之。也。治。世。之。天。下。無。一。夫。不。被。其。澤。無。一。物。不。得。其。所。卽。間。有。人。事。天。時。之。乖。悟。而。不。適。於。民。者。而。國。家。有。明。刑。君。相。有。專。責。此。其。道。人。自。主。之。天。無。容。心。焉。特。居。其。上。監。臨。而。已。若。夫。亂。世。上。之。令。不。能。行。於。下。國。之。法。不。能。逮。於。人。民。之。遭。殘。賊。受。荼。毒。者。幾。於。顛。連。而。無。可。告。語。人。道。之。亡。至。此。殆。盡。於。是。天。乃。不。忍。坐。視。其。禍。而。莫。之。救。而。神。之。用。遂。大。顯。於。世。以。代。操。國。家。禍。福。之。權。吾。觀。數。載。以。來。善。惡。報。償。之。速。若。持。簿。而。記。者。然。嗟。乎。世。至。於。人。道。之。不。可。恃。而。事。事。仰。之。於。神。以。代。其。勞。焉。則。將。焉。用。此。家。國。爲。也。江。子。澄。將。軍。錢。幹。丞。總。理。好。善。者。也。既。總。社。中。之。事。復。集。數。月。以。來。神。道。教。人。之。事。及。同。人。之。所。爲。善。事。以。仰。答。神。教。者。撮。其。事。實。錄。之。於。篇。以。爲。世。之。爲。善。者。勸。焉。弟。子。王。樹。枏。謹。序。



己未年十月十五日長樂仙翁

少年彈劍出京  
門策音當煙日又  
煙  
何堪報牙

長樂仙繪



己未年十月十五日長樂仙繪

筆法是真善美現  
前在米芾是今刻  
傳求其妙名言之  
元祐

一  
禁下已



三  
六  
九



印 色 印 亦 無 外

鐘 轉 鐘 一 執 印





重兵出白雲江上遊為

金陵門戶嚴子守

付何時還為陸下

真如三佛北極沿江

別  
系  
字  
以  
字  
也  
也

澤 寧 結 瑞 成  
寧 樂 未 共 了 成  
道 亦 同 好 世 成

海枯石爛未已  
兒款兒待兒意  
兒車有等兒兒  
倒徑水玲多林  
林為誰以  
滴生

李仙筆

吳以之流處東郭  
子也誰許得古如  
清境界考車  
能歸己視魯

祖

印

阿彌陀佛



古今學記

2025

序 文

孚佑帝君弁言  
容。心。蓬。島。一。志。玄。門。須。忘。南。柯。舊。夢。便。悟。西。域。真。詮。汗。牛。充。棟。善。書。已。多。畫。虎。  
類。狗。善。事。每。誤。念。爾。誠。心。輒。許。立。社。一。載。以。還。利。濟。之。實。業。可。觀。千。秋。而。往。神。  
仙。之。修。果。宜。肩。惟。其。相。愛。是。以。相。規。要。誌。固。當。盡。心。救。濟。尤。須。努。力。自。諭。之。後。  
務。卽。猛。進。勿。得。視。爲。具。文。慎。之。勉。之。仰。卽。刊。登。要。誌。之。首。庚。申。六。月。初。三。日。示。

序 文 孚佑帝君弁言

序

文

李佑帝君并言



論 著

孚佑帝君訓悟善社文 庚申三月初九日

噫。天。理。報。應。無。時。或。爽。人。慾。橫。肆。於。今。為。烈。神。失。其。用。教。喪。厥。真。兵。爭。黨。軋。日。無。忌。憚。非。明。示。以。果。報。之。蹟。難。挽。回。此。將。頹。之。風。吾。前。邀。現。世。名。流。刊。刻。立。達。篇。今。復。邀。請。諸。仙。佛。演。靈。學。要。誌。蓋。欲。潛。移。默。化。因。機。利。導。使。世。之。豪。俊。胥。轉。入。於。愛。國。愛。民。之。道。唉。唉。汝。等。勿。懈。吾。既。設。此。社。必。要。設。法。使。其。大。成。雖。有。天。魔。吾。不。移。也。但。恐。汝。等。無。毅。力。耳。今。世。界。擾。攘。亂。靡。有。定。國。教。顛。覆。民。墮。沉。淪。身。亡。之。禍。小。心。亡。之。禍。大。舉。世。惘。惘。心。欲。亡。矣。較。之。戰。國。五。季。殺。傷。盈。野。者。更。且。有。什。百。倍。也。唉。唉。昔。者。喪。亂。雖。亟。人。心。未。漓。論。厥。因。由。以。證。驗。之。學。於。時。未。發。明。耳。今。者。事。事。物。物。皆。求。實。驗。明。證。其。無。驗。無。證。者。概。謂。虛。妄。殊。不。知。神。不。

論 著 孚佑帝君訓悟善社文

可。測。運。難。乍。見。天。公。之。巧。固。非。持。繩。執。墨。跬。步。相。規。者。所。可。窺。也。然。而。天。地。未。嘗。自。秘。其。物。用。神。運。之。妙。電。也。光。也。音。也。力。也。化。也。理。所。具。者。無。不。任。人。研。究。人。則。既。研。究。矣。成。用。矣。而。不。識。天。理。順。民。情。即。以。此。天。賜。之。利。器。欲。以。爲。害。生。之。用。機。噫。天。肯。容。乎。歐。洲。戰。禍。卒。至。並。禍。而。同。斃。者。蓋。因。大。拂。上。帝。之。心。致。然。耳。余。時。檢。校。其。間。知。之。最。詳。今。以。蕞。爾。之。中。國。亦。欲。效。顰。閭。牆。自。爲。戎。首。仗。天。錫。之。利。器。昧。本。來。之。良。知。將。來。共。禍。同。斃。又。安。保。其。不。更。甚。於。歐。洲。乎。無。他。實。驗。確。證。之。科。學。明。神。靈。報。應。之。事。效。乖。有。以。致。之。耳。噫。靈。學。要。誌。現。將。出。版。汝。等。須。博。訪。報。應。之。有。證。者。而。歸。要。於。道。德。使。人。人。確。實。行。之。必。有。大。成。也。

孚佑帝君南華經釋義

庚申三月二十三日

南華經人間世篇絕迹易。無行地難。爲人使。易以僞。爲天使。難以僞。聞以有翼。飛者矣。未聞以無翼飛者也。聞以有知知者矣。未聞以無知知者也。瞻彼闕者。虛室生白。吉祥止止。夫且不止。是之謂坐馳。夫徇耳目內通。而外於心知。鬼神

將來舍。而况人乎。是萬物之化也。禹舜之所紐也。伏羲几蘧之所行終。而况散焉者乎。一節慧真所講。即張君頤伯尚有微憾。佛經所謂如人入暗。即無所見。如人有日。日光明照。見種種色。可以知矣。此可悟南華之真諦。並可以悟佛道。儒家之真諦焉。知矣。悟矣。當力行之。便宜用心。夢寐學之。但不可自惑。此節虛室生白之白字。極有妙道。不識此白字。猶之隔靴搔癢也。此節鬼神將來舍之舍字。極宜覓著。不知此舍字。猶如隔山尋師也。人能明此虛白。明此神舍。其庶幾矣。

謹按先是命周君通甫授南華經。以其天資甚高。言下即悟。詢以南華人間世篇。尚憶否。答以不憶。又詢張君頤伯憶否。答以不憶。旋命張君將南華經人間世篇絕迹易一節。尋來宣講。迨講畢。奉諭云。汝所見乃能貫澈如斯乎。恐非汝所能也。汝倩他仙相助乎。張君答何來他仙相助。又奉諭云。誠然。則是先得我心矣。三都賦成。士衡為之擱筆。同學莫汝及矣。前言戲之耳。

論 著 孚佑帝君南華經釋義

論 著 李佑帝君南華經釋義

他仙何能相助乎。但尙有微憾。爰以南華真諦指示於衆焉。

附張君講義

南華經人間世篇絕迹易一節。承上文之意而發明之也。上文孔子曰。唯道集虛。虛者。心齋也。顏子以未得使。實自回。爲非虛。得使之。未有回。謂爲虛。孔子言虛。根於心齋。顏子言虛。至於無其身。已由太極而無極。無無明而無無明。盡可知。儒教與釋道合一也。本節云絕迹易。無行地難。言不行則易。欲行而不。不着相則難。猶人之走路。不能不踐地也。此非欲人之不行。乃欲人之不着相耳。卽上文唯道集虛之旨也。卽上文未有回之旨也。爲人使言耳目視聽也。爲天使言純任性之自然也。此使字與上文得使未得使之兩使字同。爲耳目所用則失真者多。故僞而不誠。任性之自然則失真者少。故誠而不僞。有翼而飛。有知而知。終不免於着相。與踐地而行。何以異。倘心已靜到極處。便可神運如如來之若來若去。若坐若臥。無所從來。亦無所去。不啻無翼。



而飛也。心已空到極處。則其念寂然。不爲動。冥然若無知。如如來之真法。皆空過去。心現在。心未來。心皆不可得。遂有普照世界之天眼。返觀內照之慧眼。真性常昭。上自諸天。下至九幽。毫無障礙。無所不知。是以無知而無不知也。未聞無翼飛者。未聞無知知者。蓋歎世人皆汨沒本性。多着色相。譬之欲行。必踐地也。闕喻空也。室喻心也。白喻道也。室能空。虛斯純。白獨生。心能空。虛斯一。真顯露心也。者靈明一竅也。虛則靈明則白。背之則凡順之則聖。定中慧照。自然有一點元陽真炁。從中而出。虛室生白。其斯之謂歟。吉祥止止。大學之止。至善易之良。其止書之安。汝止均同。此義吉祥所止者。至虛至靜也。斯時若仍不止。是身雖靜坐。而心已外馳。此經文夫且不止。是謂坐馳之義也。至經文徇耳目內通。而外於心知。二語蓋耳目內通。卽上文無以耳聽。而以心聽之意。夫耳目本通於外。今耳從內聽。目從內視。則聲色皆不相擾也。外於心知。卽上文心齋之意。夫心知本在內。今將心之所知。擯而外之。則

論

著

李佑帝君南華經釋義

五

論 著 孚佑帝君南華經釋義

六

六。根。六。塵。不。緣。意。起。佛。經。所。謂。無。意。識。界。也。由。定。而。靜。由。靜。而。慧。妙。化。無。窮。即。人。即。神。與。天。地。合。其。德。與。日。月。合。其。明。與。鬼。神。合。其。吉。凶。是。鬼。神。且。將。來。舍。焉。此。舍。乃。混。沌。竅。總。持。門。南。華。所。謂。鬼。神。來。舍。即。丹。經。所。謂。神。明。之。舍。也。人。能。合。乎。人。間。之。變。應。乎。世。世。之。宜。無。心。而。不。自。用。斯。能。隨。變。所。適。萬。物。皆。化。不。受。其。累。禹。舜。以。此。爲。樞。紐。上。古。聖。王。如。伏。羲。如。几。籟。亦。終。身。遵。是。行。之。彼。不。及。聖。王。之。衆。人。豈。可。舍。此。道。哉。

碧眼仙子論詩境 庚申六月初五日

靜。功。與。詩。境。相。通。詩。境。與。道。學。相。關。學。靜。者。每。蹈。枯。坐。空。寂。之。弊。知。詩。中。三。昧。則。靜。中。自。然。花。放。水。流。現。出。極。樂。真。境。豈。俗。士。所。能。夢。見。陶。靖。節。白。樂。天。正。得。此。等。受。用。故。聲。色。未。遠。宦。習。未。刪。而。道。已。基。矣。王。漁。洋。袁。子。才。亦。多。得。此。等。工夫。故。卒。享。高。年。成。鬼。仙。而。去。具。有。夙。資。者。但。由。此。入。手。自。可。高。人。一。等。昔。陽。明。說。教。與。佛。家。頓。漸。義。相。似。龍。溪。派。能。於。道。德。中。看。得。水。流。花。放。便。是。仁。之。真。際。

孔子所貴浴沂舞雩釋家所示拈花微笑者真頓教上上乘也一針見血如是如是特人不解此妙耳

觀音大士闢聖帝君端木夫子孚佑帝君合作釋諦

釋諦之緣起

端木夫子曰賜也從夫子於舞雩與釋迦夫子太上祖師同講上玄救世之旨擬以釋諦宣示北京悟善社釋迦夫子忽莞爾笑曰尼山亦知此動意乎夫子正色曰然任此者其賜也乎釋迦曰然任此者其觀音乎二夫子撫掌而笑未幾有玄鶴白雲自西來太上祖師即欣然曰任此者尙有吾岳也於是三祖同樂今果得觀音純陽至席吾乃奉敕示訓於汝衆士今以世之所疑者剖晰明了使三教從此相合而不相爭汝等敬之聖教湮沒數千年矣人心僞詐儒道同類用違乎中體失乎微一貫之旨茫然莫幾道儒同源末流已非佛從道生夫子所希西方聖人早有依歸

觀音大士曰。汝等淨心。無心。是妙諦心。從無中生。若云。心果無木石也。成眞衆生。若干種心。所以難淨者。厥因有二。一浮屠棒喝堂參之語。引入於頑空。一儒者未明眞諦。妄駁佛理。皆所以重衆生之沉溺也。呵呵。佛說豈果無用乎。吾見今之人。非懸空務高蹈。浮屠流弊。卽肆無忌憚。引儒家之憤言。是以不憚煩難。親邀儒宗賢哲端木氏來此。證明其旨。以爲釋諦放大光明。卽爲今世俗流波。作一砥柱。諸生慎哉。吾前在黃總戎家降筆。心經書跋。今復在此降筆。明諦正經。皆所以度汝等也。念哉。念哉。

謹按 觀音大士所謂黃總戎。卽黃君正元也。總戎籍隸閩中。宦遊淮浦。居於洪福莊之玉霄閣。先是總戎虔奉 孚佑帝君。歷有年所。至癸丑五月。孚佑帝君降筆。註疏心經。旣成。復迎請 觀音大士鑒核。奉 大士跋云。海南老衲。致語善信。吾曾有願。普度世人。因有心經流傳甚久。口誦者旣多。茫昧。強解者流入野狐。將吾一片造經之心。止爲貪僧沿門乞食之具。深可憫。

惻蒙道祖呂師逐字詮解。痛掃支離。歸於明顯。吾道心燈。賴以不滅。善哉善哉。世人若能信心奉持。身有光明。吉神擁護。不墮輪迴。不落苦趣。萬千罪孽。一概消除。幸速付梓。普成善果。於是黃總戎捐俸刊刻於中華民國六年九月告成。名曰呂祖心經直解。而敬刊 觀音大士序跋。以弁於首。

孚佑帝君曰。汝等誠之三教。真傳自此開。一堂道德貫三才。佛從心得。儒從性。笑授先天一炁來。唉。世道日偷。佛教不明。儒教亦漸失其真。滔滔者。洪波泛濫。禽獸逼人。教不足以維繫。刑不足以懲戒。擾攘者。徧海內。誰肯掉舟濟渡。此痛極苦烈之同舟人耶。噫。吾不敏。擬以三教之真諦。救此昏沉之衆生。倘有聞言感悟。定得真佛剃度。善緣日長。將來有裨國家。慈心永矢。後日必益子孫。當此亂離之秋。正屬建德之事。况且災劫無常。非善無以逃脫。兵火時興。非德何以自保。卽望發覺悟之心。速行善事。除私迷之見。廣興施濟。既以救人。亦以自救。既以愛國。亦以保家。曷速勉之哉。

論 著 觀音大士闢聖帝君端木夫子孚佑帝君合作釋諦

十

闢聖帝君曰。汝等慎之。吾此來爲釋諦也。駐馬雲中。曳雨時回頭。却痛此愚蚩。轉輪再造金剛法建築層台。在性知。

釋諦之概論

端木夫子曰。吾奉宣聖先師訓爾衆生。自此以後。不得排佛攻道。誣爲異端。蓋異端者。其端本異於上天之端。而妄自邪行。實有害於世道人心。道乃儒之師。佛卽儒之化。若有異詞。如自詆其父叔兄長也。漢以後。秦火灰餘。人不識道久矣。後儒不知道爲何物。自爲臆說。遂尙理解。而訓詁註釋之端。乃開是端。開而聖意乃不可見矣。謂其無異已。不可得自後。晉之清談。已不知道爲何道。宋之理學。更不識儒成何儒。或因體而忘用。或講用而昧體。迄於今日。卽晉宋之所誣者。亦並不可得。豈不以真異端之自由平等。害之哉。吾今先論其前。汝等聽之前。謂自秦漢以來。儒者不識本體。妄自闢佛。豈果然乎。唐韓愈妄爲是說。自闢佛之表上而貶矣。瘴癘之地。得不死者。以其人猶正耳。後乃自悔。與釋氏爲

深緣。因所見者謬也。况韓之闢佛。意在振朝綱。革君心。其情可原。至宋司馬光。則初爲警說。以警天下。後世其愚實甚。且改免役法。生民益受其困。當闢佛時。曾曰。其微言不能出吾知其誕。則吾不信也。此二語。誤盡儒者。既云微言。安所從知。既云不信。安知其誕。此無異與鄰人罵而詈。聲及父母也。吾今奉命。任此不得不辨正之。吾嘗有言。夫子之文章。可得而聞也。夫子之言性與天道。不可得而聞也。以聖人之勤於教誨。豈不欲盡人知此性與天道。乃所以不可得而聞者。豈不以卽人卽天性。與天道卽釋家之無上菩提也。夫子所以不言者。因最上菩提。卽係天性。非可以言語取得也。故於舞雩之際。獨許曾。哲。釋迦。夫子亦曰。不可取。不可說。非法。非非法。昔日我夫子所不能言。明者釋迦。夫子千言萬語。譬喻以明之。是吾夫子所深幸也。乃諸子佞儒者。往往誣佛之真。豈不怪哉。豈不謬於道哉。呵呵。佛法無邊。所要在本性耳。

觀音大士曰。此卽阿耨多羅三藐三菩提也。佛說初乘卽儒家入世法。大乘卽

儒。家。道。體。子。貢。氏。太。謙。謙。謙。益。光。汝。等。悟。之。子。貢。氏。此。數。語。洵。爲。釋。諦。之。真。髓。  
庶。可。救。末。流。於。萬。一。自。此。以。後。著。釋。諦。者。四。人。余。與。關。帝。呂。祖。子。貢。子。也。但。諸。  
生。須。要。信。戒。受。持。耳。第。一。章。佛。行。分。靜。動。二。法。此。開。章。明。義。第。一。義。義。在。義。利。  
靜。如。偏。袒。右。肩。右。膝。着。地。存。心。道。之。形。也。昭。本。心。也。至。於。乞。食。則。爲。義。利。之。防。  
焉。西。邦。風。俗。富。有。巨。萬。而。貧。無。立。錐。者。多。矣。佛。乃。金。輪。王。子。深。知。此。弊。故。立。乞。  
食。之。法。不。越。貧。而。至。富。所。以。大。倡。平。權。欲。衆。生。因。乞。得。以。溫。飽。也。意。卽。謂。王。子。  
兼。教。主。尙。且。乞。食。則。別。人。無。論。矣。人。不。敢。拒。乞。食。所。以。開。衆。生。之。源。一。也。使。諸。  
人。民。知。食。須。由。能。不。由。勢。二。也。使。人。發。慈。悲。心。三。也。使。人。民。知。食。當。與。衆。共。之。  
四。也。使。後。世。僧。徒。不。立。財。產。絕。其。貪。心。五。也。以。此。爲。自。養。之。法。所。謂。君。子。謀。道。  
不。謀。食。也。此。先。言。佛。之。行。與。論。語。載。鄉。黨。者。同。第。二。章。應。云。何。住。與。卵。生。胎。生。  
等。卽。是。大。學。明。德。新。民。之。要。目。止。至。善。之。全。功。也。其。後。所。講。則。儒。書。所。未。言。而。  
我。佛。所。獨。言。者。汝。等。細。聽。



孚佑帝君曰。聆此諦者。須要淨信。淨者。六根皆寂。四相不着。信者。知所以止而堅持不變也。切切。經中含有一切見解。通儒釋道之說。其旨一也。後之習者。自立門戶。入主出奴。爭議之餘。不惜晦經義以徇己意。致天下之大道。分離割裂。是非顛倒。而學道者。大都根本之旨。不明貫通之義。莫得謂儒者之道。與佛老之道。絕不相侔。豈非囿於門戶之見。而忘大道爲公之旨乎。今以世運所關。諸聖常賁臨下土。慨羣議之盲從。悲真諦之不傳。學者中害於膚詞。不學者昧見乎大道。以爲欲圖救世。須以明教爲先。欲圖明教。須以正義爲要。此釋諦之所由作也。此作諦。必邀三聖之詮註也。汝等須知此旨。

觀音大士曰。九種佛諦。適用於今。而足以救世消亂者。厥惟俗中二諦。蓋有說焉。自佛教入華以來。守其宗者。皆以寂滅爲歸。溯波揚瀾。而空虛清淨之學。說遂釀成禪定坐忘。遺世廢務之風。貽害國家。實非淺鮮。緇徒無知。借佛之名。以爲護符。不耕不稼。坐糜國帑。無父無妻。遂昧彝倫。貽害於社會。亦已多多。嗚呼。

是豈佛之初心所願哉。佛乃金輪王子，有父母室家，特以當時舍衛諸邦風俗淫蕩，人欲日橫，故躬自出家，開清淨門，教人斷絕六塵，自返真如。蓋所以矯枉救俗，非欲率天下而為空滅之事也。佛躬自講道教化衆生，捨王俸而不享，惟以自力自能乞食國民，此真至廉大公之聖德。非欲舉天下而空養屠黎也。佛既往矣，後之人或藤牽葛引，穿鑿失初，或風聲月影，揣測無常，幾並我佛教世弭災之慈悲，湮沒而敗壞之矣。願寂滅之宗，非不然也。而其大用則全在出世之教，為修行之事，非當今之急務也。今世衰俗偷，人心日乖，推其原因，由於不仁。所以然者，失其般若之性，迷其菩提之心也。余不敏，忝佛門菩薩之尊，受如來慈悲之教，因名思義，由性屬心，就俗中二諦演仁慈之旨，昌前聖之本意，挽末流之弊害，聊述管見，以公學者云。

第一章

第一節 觀

大千衆生。迷失本性。欲使破除。以證其德。必先主乎觀。觀者。以自性原有之真。如照徹萬物。以明其真相。本性而有以歸宿之也。以觀破惑。真諦始正。德性始成。宏濟始完。觀有三種。曰空觀。對已之智慧言。六根皆依空觀。本性乃見。曰假觀。對外之事物而言。皆依假而觀。曰中觀。此乃儒釋之匯源。仙佛之究竟。

謹按是時奉 諭云。釋諦前係理論。中係經證。終係總論。各分章節。以表明之。今第一章第一節理論已畢。當用經證。茲示經證如下。

空假二觀經證 金剛經大乘正宗第三分。所有一切衆生之類。若卵生。若胎生。若濕生。若化生。若有色。若無色。若有想。若無想。若非有想。非無想。我皆令入無餘涅槃而滅度之。如是滅度無量無數無邊衆生。實無衆生得滅度者。何以故。須菩提。若菩薩有我相。人相。衆生相。壽者相。卽非菩薩。此節固爲空假二觀之證。亦爲中觀開始之義。諸生參考而細味之。自可領悟。姑不詳贅。

中觀理論 佛法本空。何以有中。所以空者。空其色相。人我衆生。所以中者。不

離色相人我衆生所謂非有想非無想無其妄非無其真無其私非無其公無其欲非無其仁此無之至空處卽爲真也公也仁也之至中處也故於已心物欲淨盡時見此中於物之適當處見此中於萬緣都寂時見此中此中者不離人不離物不離事到處皆是卽生卽佛空彼萬慮得此一點斯名爲中不偏不倚不奇不異人所共有事所常存而佛所最寶之中觀也

中觀經證 金剛經無得無說分如我所說法皆不可取不可說非法非非法此經言乃純萃中觀不可取說者義在精一惟可因事因物允執厥中而不可以拘泥一定之法以取之說之也非法者非仁義定名可以拘執墟見以效經生錮蔽孔聖之母固毋必毋我孟子之言不必信行不必果惟義所在皆同此意非非法者非如坐忘頑空之徒一切寂滅如木石之無知也既非拘執之定名而失於有復非頑空枯寂而偏於無然則非與非非之間非此中而何孔聖之時中老子之守中皆所以行此觀而因觀以成此行乃於是天地位焉萬物

育。焉。此。佛。法。之。所。以。無。邊。也。

(未完)

謹按釋諦一篇。仙佛神聖。異常重視。且必。觀音大士。端木夫子。關聖帝君。及。孚佑帝君。同臨合作。機會頗難遇。合。又以人心不靜。往往中輟。本社因此歷盡艱辛。由己未十月十九日至庚申十一月十七日。閱時年餘。甫宣示第一章第一節。茲將細情詳載如左。

己未十月十九日。洪仙預示。今日。佛仙著釋諦。本社遵。諭繕表。上書香雲蓋菩薩福惠淨土法緣字樣。恭迎。佛駕旋。紅蓮尊者先拂降。(詩偈已刊二期要誌詩詞類)命各肅靜。逾一刻鐘。普賢菩薩。六祖同時降臨。時同人方侍筆候釋諦文之開始宣布。乃。普賢。六祖。均謂諸生心。尚未靜。待至二十三日書釋諦嗣奉。洪仙諭。菩薩已去。此種著作。非極靜。不能示於人。感應之理。然也。

十月初九日。宏教真人預示。今日。五祖降臨作釋諦。諸生屏息靜候。萬

論 著 觀音大士關聖帝君端木夫子孚佑帝君合作釋諦

勿紊雜。并不准高聲笑語。免失觀瞻。切記。旋靜意尊者先拂降。（詩偈已刊二期要誌詩詞類）同人靜侍五分鐘。五祖忍師降臨。宣示詩偈一首。末二句有六字。辨認不清。再書三書。仍難明瞭。（已刊登二期要誌詩詞類）蓋人之心念。偶紛則精誠不能與神接觸。往往有此情形也。五祖忍師謂孚佑相邀。來此作釋諦說。觀諸善識。意尙未淨。故於老僧偈語。尙致謬誤。雜出。可俟異日諸佛門弟子來時。再爲著述云云。於是五祖忍師遂返駕矣。

庚申七月十三日。爲實行宣示釋諦之第一日。孚佑帝君首臨。其侍駕前導者。則黃仙、何仙、李仙、桃仙、華仙、吳仙、劉仙也。關聖帝君次臨。其侍駕前導者。則周將軍、王將軍也。觀音大士再次臨。其侍駕前導者。則淨意尊者、淨慈尊者。端木夫子又次臨。其前導則先賢滕子也。端木夫子將臨時。孚佑帝君並諭儒者應恭肅迎接。向東迎拜站

班加香。禮至隆重。端木夫子降筆。字似篆體。又似鐘鼎文。同人辨認。僅什得一二。廢時甚久。不易成文。嗣奉桃仙示云。子貢子以諸人不識古篆。命桃代書。至是沙盤飛速。而釋諦乃大披露矣。久之又有數字糝糊。桃仙諭大凡人心火一起。則意乃遷矣。並謂鄭君季樵。心火太盛。張君頤伯。心木啓風。故人不可有片刻私此之謂也。宜各速自淨心。桃仙遂命送大士端木夫子二聖。所有釋諦下期續示。茲帝師特留關聖帝君。賜給墨蹟並書匾額（詳二期要誌記事類）是日釋諦已披露者。自賜也。從夫子於舞雩起。至作諦必邀三聖之詮註。汝等須知此旨止。

八月二十二日。何仙奉帝君傳諭。今日有尊佛降臨。諸人誠敬以候。停乩一時後。孚佑帝君臨諭云。今日續釋諦。卽開章也。諸生靜侍。扶者多息。設備精神。此段文章甚精湛。非扶者神旺氣盛。不能傳達其微。且甚長。非養精蓄銳。不足盡其氣。切切有頃。淨慈尊者。淨念尊者。淨含尊者。

淨光尊者 韋陀尊者相繼降。蓋侍 觀音大士之駕也。周將軍降。蓋侍 關聖帝君之駕也。又靜侍多時。關聖帝君 端木夫子 觀音大士先後皆臨。觀音大士宣示自九種佛諦起至聊述管見以公學者止。仍係釋諦之概論。尙未及正文。旋奉 孚佑帝君諭。此下即正文矣。蓋所謂正文。即分章節之正文也。同人方屏息靜待正文之宣布。乃 何仙報告。大士有事。改日再續。并命恭送 大士 關聖 端木夫子。是日章節正文。以故未出。

九月二十三日 吳仙諭。今 諸佛不來。已將釋諦文交余。代為續宣。是日宣示者。自第一章至第一節觀起。至佛所最寶貴之中觀止。十月初五日 孚佑帝君諭。要誌中釋諦為最要之件。仰即參考釋理。關聖帝君諭。汝等誠心善行。敬演佛諦。吾自佑。並置華嚴經詳註。十月十九日 孚佑帝君臨後。淨慈尊者 淨念尊者 韋陀尊者相繼



降。周將軍。王將軍相繼降。周將軍命恭候。帝駕。孚佑帝君諭。佛駕卽臨。諸生誠敬。有頃。關聖帝君臨。碧眼仙諭。今日。尊佛著作釋諦之期。諸問事者可早叩。佛降臨後不答也。候至夜半。忽檀香尊者奉命降。謂佛諦一書。精微特甚。非靜無成。因不靜之故。則神人不能相接。言論胡可明瞭。今諸人嘈雜。勿論作文。卽大士亦難降臨。仰將一切社務及俗務。悉數清了。後再論。蓋問事者紛紛來社。人多言。厯難期。靜謐也。旋奉碧眼仙諭。關帝有事欲去。卽送。大士亦不能臨。今由檀香尊者續宣釋諦。是日。檀香尊者所代宣者。卽中觀經證。自無得無說。分如我所說法起。至此佛所以無邊也止。

十一月十七日。風徽伯。孚佑帝君。端木夫子。關聖帝君。觀音大士同臨。關聖帝君之前有。周將軍。王將軍先導。觀音大士之前有。韋陀尊者。淨女先導。觀音大士諭。釋諦一作。原爲救世而作。諸子各

自靜心。扶者聚精會神三刻。旋因社務請示之件頗多。同事者亦紛至沓來。延及多時。釋諦竟未能續示。

李仙駢儷小品 庚申六月十四日

烟。橫。南。浦。柳。惹。東。風。斜。陽。一。抹。酒。三。升。玩。物。外。之。煙。霞。歌。雲。中。之。妙。旨。飛。鳥。倏。沒。白。雲。時。行。流。水。淡。淡。落。花。飄。飄。香。篆。凝。結。塵。緣。寂。寥。撫。無。絃。之。琴。賡。有。虞。之。音。遽。然。陶。然。不。知。我。為。誰。耶。又。安。識。物。有。害。乎。四。顧。翻。雲。覆。雨。之。迷。境。滄。海。桑。田。之。幻。泡。徵。逐。趨。迎。於。戲。場。者。何。如。耶。

自註云。此言頗有味。

風徽伯鬼神語六 庚申十一月二十一日

鬼之元素略分三種。

(一) 生人的餘氣。凡人初死。生氣未盡。與大氣中之一種游氣（即莊子所謂野馬者）結合而成。

(二) 物質的變體。 由人死後。其窒素與炭素與大氣中之窒炭酸。化合而成。  
(三) 心理的餘響。 由人死後。其觀念所縈注之餘意。與大氣中之物質或氣

體凝結而成。

鬼既屬此數種。惟其化合此數種而全。具此資格者甚少。若全具。卽漸具獨立之資格。再加生前善德。死後皈依。便可爲神。蓋此數種。惟心理爲最要。忠孝節義之人。其生時心志堅定。卽於死後。觀念毫無所移。故堅定凝結。自然結成一種。獨立不倚。常存不壞之氣。與人之在世無少殊異。而得自由遊行於天地間。或受天爵爲神。或因夙緣未了。欲盡其素志。而復轉人身。又極惡極凶之人。其生前心志亦堅結。死後亦由此種觀念之反響。入於地獄中。不可超脫。必由此種觀念。消除淨盡。後其地獄之反響。始無效用焉。又緇黃高真。丹士煉徒。其心志所趨。有不至不己之概。故死後。觀念所結。終詣蓬萊瑤池。而獲證果焉。如吾卽是也。

論 著 風徽伯鬼神語六

二十四

夫。鬼。之。要。素。既。如。此。汝。等。欲。爲。將。來。計。者。可。不。善。自。造。作。此。要。素。乎。至。於。佛。則。無。此。要。素。故。能。常。存。而。無。牽。罣。汝。等。若。能。除。去。此。要。素。卽。又。善。之。善。矣。惟。佛。之。所。以。無。者。與。世。之。蔑。然。泯。滅。者。又。異。汝。等。不。可。不。深。辨。之。

詩詞

何仙 庚申正月初八日

星寒月冷雪初霽。萬山隱隱雲無際。笑捧丹書下玉京。應識此來有深意。

宏教真人 庚申正月初八日

黯淡河山夜月中。飛鸞遙走碧天空。幾回俯瞰人間世。無數冥鴻逐晚風。

洪仙 庚申正月初九日

萬慮澄清一物無。水中明月鏡中圖。些須觸卻從何着。好把元功現太初。

何仙 庚申正月初十日

雲籠寒日散輕煙。幾處歌吹頌盛年。人意可知天意否。偷安猶冀燕巢全。

孚佑帝君 庚申正月初十日

詩詞

詩 詞

二

人天隔閼。景象都無賴。世事混茫誰自在。分付與。頽垣破寨。壁立驚濤。幾曾見。田成滄海。儘教汝。英材雄邁。那有移山氣。概目畫成圈。偏誰擔代。唉。回頭須快。

姚仙 庚申正月十三日

風光幽寂洞中天。春江月色勝當年。南朝陳迹無復憶。獨留謫仙詩一篇。相逢酒家此月夜。拍板放歌聲流連。故人歸去雲踪滅。野鶴飛來羽衣妍。遊從赤壁之東。偏相隨琴囊及詩籤。伊何人斯。我欲問酒在口內。未能言。

吳仙 庚申正月十六日

輕雲駕我走南溟。又向金臺足未停。去住些時亦緣分。何妨對酒且沉吟。

何仙 庚申正月十六日

浮雲如霧又如烟。日色重曠欲暮天。畢竟春風能釀物。韶光漸透綠楊顛。孚佑帝君 庚申正月十六日

雲橫太空烟彌滄海。看去來幾對飛鴻。翩然自在草履芒鞋。粘帶得泥痕水漬。問底事忙忙只爲卻人間。宿債酒醉酒醒都難。尷尬。唉。怪卻誰來。

黃仙 庚申正月十九日

醉中得句便塗鴉韻。不分明字半斜。相識青山恆笑我。此來秃筆可生花。

何仙 庚申正月二十三日

月明何處空際浮雲幾許東西窮。日力南北歸猶沮。千重萬重關山無數滿目。盡塵氛覓桃源何路把酒臨風待狂歌兩齣。

洪仙 庚申正月二十九日

鐘聲隱隱古山隈。野道携雲自在來。仰面忽驚星欲墜。蒼茫小立意徘徊。

劉仙 庚申二月初一日

笑覓幽棲到古燕。林巒秀出水清漣。山人不解繁華事。閒逐鷗朋鎖日眠。

吳仙 庚申二月初一日

詩 詞

四

春光漸透百花枝。裝點乾坤靜裏機。此際韶華君愛惜。盈虛消息可全知。  
趙仙 庚申二月初一日

檢點春華五七期。杏開桃綻正當時。願將妙術參元化。九轉真丹從此思。  
馮仙 庚申二月初一日

又逐飛鸞向水湄。枯林古道日斜時。雲巖未識漁樵性。且捉青絲上釣磯。  
黃仙 庚申二月初一日

酒醉昨宵猶未醒。出門一步一高吟。偶然值得雲遊侶。水淡山隈足徧經。  
孚佑帝君 庚申二月初一日

巖隱巒棲本待時。幽窻自有異人知。幾迴塵夢休相惜。落葉西清第一枝。  
韓仙 庚申二月初三日

亭午雲飛到俗間。鶴程偶滯爲看山。青烟一抹寒峯畔。笑對華嚴自在閒。  
何仙 庚申二月初三日



斷橋烟柳早依依。難得春光一綫歸。箇裏真玄須識透。乘風迎面絮紛飛。

馮仙 庚申二月初三日

雲蹤踏破舊青山。每向忙中學等閒。汗漫誰知漁隱處。風吹鶴韻到人間。

吳仙 庚申二月初三日

昨從巖下聽鳴泉。閒散何人號謫仙。一曲焦桐譜流水。野樵柯爛若干年。

宏教真人 庚申二月初三日

環中本如此。認識在君心。寂滅真非見。仁慈要自臨。空花有元理。實行在深聞。還把難知句。閒時仔細吟。

風徽伯 庚申二月初三日

消盡韶華事未成。笑隨黃鶴渡滄瀛。袖中半露乾坤象。筆底真懸日月明。幾歲書空空不得。千秋說法法無名。誰知了悟情緣者。落拓前生舊酒瓶。

自註云吾道淺學疏。謬蒙召致愧無以應。即將平日所自信者寫出。諸人勿

詩詞

詩詞

我笑也。

魯仙 庚申二月初六日

風信昨宵度海來。滄瀛初報玉棠開。清吟時引吹簫伴。明月如烟上砌苔。

洪仙 庚申二月初六日

峭密雲蹤不可尋。洞封桃葉水常深。扁舟獨向溪頭坐。竟有秦人識到今。

孕佑帝君 庚申二月初六日

便從天邊御風何處斜。煙鬪雙龍手把酒杯兒。灑向空萬派飛玉璫。是雨是虹辨臭味。要詳揣個中。

俞仙 庚申二月初六日

青燈吐紅焰。飛鸞天外至。良會能幾時。相逢盡情思念。君有真誠不醉無歸意。上覺真人 庚申三月初六日

相携雙袖到人間。過眼青雲盡日閒。鳥使頻來仙眷屬。魚書纔度舊關山。笛聲。

塞外嘶胡騎。帆影江頭阻。蜀灘欲與諸君談。世變滄桑今古幾循環。

梁仙 庚申 第月初六日

一溪流水滿山花。洞口雲橫不見家。多事漁人漏消息。徒令塵世望仙槎。

何仙 庚申 二月初六日

瑤草琪花上苑春。携栽人世委芳塵。狂風竟夜催花命。休怨東皇太不仁。

白雲仙子 庚申 二月初六日

醉裏高歌意未伸。相邀微步小江濱。浮雲映日成懸畫。遠樹迷烟似立人。冰水雙鳧圍藻戲。失巢孤鵲倚枝嗔。悲歡底事縈方寸。且向空中悟本真。

楊仙 庚申 二月初九日

遠峯斜日落飛霞。淡淡村烟罩麗華。薄暮漁樵人去盡。獨餘清影泛寒沙。

癡仙 庚申 二月初九日

情在江干舊釣磯。披煙踏月坐忘機。青山相識鳥相習。鎮日清歌未肯歸。

詩 詞

詩 詞

淨仙 庚申二月初九日

落○照○浮○烟○景○春○華○忽○銷○歇○人○生○會○有○期○努○力○愛○明○德○皓○首○不○自○知○運○會○恐○難○越○  
曷○如○修○行○者○中○心○契○幽○默○

風徽伯 庚申二月初九日

雲○影○迷○離○鷗○夢○遠○風○華○掩○映○鶴○心○知○一○江○月○色○空○寒○戍○半○嶺○桃○花○寫○艷○詞○

韓仙 庚申二月初九日

月○落○西○山○幾○處○明○漁○歌○喚○醒○世○人○情○清○宵○剪○燭○三○更○夢○默○數○心○頭○暗○自○驚○

胡仙 庚申二月十三日

輕○烟○淡○霧○織○春○愁○水○自○無○情○花○自○浮○傍○岸○何○人○問○消○息○風○流○不○再○悵○南○州○

自註云。是詩述所見耳。落花流水。何足關情。乃不知關情者。大有人在。然而  
非當日之南州高士也。

謹按同人叩問。大有人在。在何指。示云。傷時感逝耳。

吳仙 庚申二月十三日

明月當空露欲零。春思脉脉味猶清。吟風餐雪心如洗。未似花開世俗情。

馮仙 庚申二月十三日

尋芳拾翠小春遊。冷艷浮香暗點頭。君是司花第幾曲。紛紜無乃太風流。

魯仙 庚申二月十三日

雲痕舊染青衫濕。酒意初成赤面顏。笑向塵寰踏烟水。月明湖上第三山。

宏教真人 庚申二月十三日

遇客東海邊。雙袖携風烟。手挽星月華。口談溟渺事。神超與識解。非可且夕致。飛鸞每臨世。化形常在是。相見便相思。妙理遽容知。青山舊嶽嶽。日雲無斷時。

安期與羨門。窮古不可期。

自註云。吾詩意汝等知否。

吳仙 庚申二月十日

詩詞

詩 詞

十

漫空冷霧滿江城。逐雨追風向北行。飛陣飛沙迷舊路。此心無住薄浮名。

廬仙 庚申二月十五日

風信度關山。瑤池逐紫鸞。雲啓仙人杖。氣還海客丹。落霞橫鶴影。鳴鹿待樵還。一笑臨江驛。飛花解我言。

楊仙 庚申二月十五日

渺渺望中原。雲烟結巨觀。峯從山外見。水在澤中湍。古樹憩樵牧。通衢馳達官。我來都慣習。請與盡餘歡。

孚佑帝君 庚申二月十五日

斜風吹我到。天邊醉摘星辰。插樹顛誰知。狡獪化爲仙。偷向人間問假真。笑

逐東風釣渭濱。花開爛熳十分春。

吳仙 庚申二月十五日

點點飛鴉逐晚烟。蒼茫暮景有餘妍。高樓獨坐遲明月。不覺燈光射酒帘。

散道人 庚申二月十六日

芳菲過眼寄春愁。夢繞燕臺憶舊遊。幾度雲帆下滄海。滿天風露認蓬洲。改為瀛洲。漁夫不識清溪路。白鶴空翔赤子軸。改為赤壁秋。欲說丹書更誰見。蒼茫斜日對改為赴。寒流。

謹按是日散道人示詩畢。謂此中有數字未工。汝等自悟。同人叩問赤子軸三字。是否須改。又蓬洲擬改為瀛洲。示云。瀛洲照改。速將赤子軸改來。張君頤伯擬改赤子軸為赤壁秋。示云。然此後詩文都要如此切磋。方可出版。凡乚論或因扶員精神不足。或因膽員錯落。或因侍壇者誠意未孚。心念他歧。故致神人不能感應。有此種種誤謬。倘不詳加校正。勢必移花向柳。此後各宜努力。自然善業無涯矣。切切。汝等知對字當改何字。張君擬改為付字。示云。此字已有八分。然向未到仙境。吾本詩是赴字。上句之勢至此而不得不然者。是此字哈哈。就比你們高這一點。你想滔滔者天下皆是也。

詩詞

詩 詞

皆從此赴去不返矣。若用逝字太急。日不能如此之急。若用付字亦未盡愜。惟有赴字確得其神耳。

應仙 庚申二月十九日

相識青山喜我過。攀援藤本踐蒼蘿。雲從胸下連烟起。風響松間和鳥歌。煮石可餐生意淡。談禪底事睡魔多。問誰解得仙家趣。茶熟香溫興若何。

慈錫尊者 庚申二月十九日

性空清似水。着漬總無痕。禪意風吹浪。天機活潑存。

何仙 庚申二月十九日

落照蒼烟送鶴程。朝天歸去片雲輕。浮塵偶動飛身影。一抹香風下太清。

慈惠尊者 庚申二月十九日

願緣性本存。逐邪乃自昏。清風吹夢遠。深悟意中玄。

韓仙 庚申二月十九日



半山風聲巖瀑飛。幾日松顛坐忘歸。斜陽芳草人間好。不似桃源舊釣磯。

慈會尊者 庚申二月十九日

玄境在何處。須問善知識。色相著何處。空中自尋迹。

吳仙 庚申二月十九日

大地洄瀾無際涯。慈航渡汝莫徘徊。心光長與佛光耀。不使他沾半點埃。

慈寓尊者 庚申二月十九日

無意亦無識。指佛證斯心。若見空中實。何須多唸經。

胡仙 庚申二月十九日

山花開盡杜鵑啼。春至春歸感歲時。且看繽紛隨水去。色空真迹已如斯。

何仙 庚申二月二十三日

燭紅風亂局棋枰。杯酒閒庭識性情。笑對清風渾似夢。月明西苑曉啼鶯。

蕭仙 庚申二月二十三日

詩 詞

詩 詞

春泥消息晚來鴻。幾歲蕪臺認舊踪。江上月明風定後。花飛惹惱老漁翁。

常樂野仙 庚申二月二十三日

山水天然好。畫圖風光遙看近。翻無春花爛熳春。常好莫遣歌聲入鷓鴣。

吳仙 庚申二月二十四日

白石俯蒼巖。巖前三兩松。松枝翻翠錦。風聲來半空。雲氣鬱勃起。幻作雙白龍。日色薄雲外。奇彩出雲中。絢爛方炫目。風來失其踪。瀰漫只須臾。色相徒憧憧。人世袞袞者。樂悴毋乃同。

胡仙 庚申二月二十六日

濁世昏昏誰早覺。塵思擾擾幾先知。悲天畢竟虛宏願。度汝猶勞說法期。

何仙 庚申二月二十九日

江流日日逐波浮。毛羽輕粘舞碧漚。勸汝且棲蘆葦曲。此間防有釣魚鉤。

孚佑帝君 庚申二月初二日  
訓奕君少敏

高下憑君自履來。緣求前事費疑猜。林中頓有琴音響。一帶蘼蕪換綠苔。

字佑帝君

庚申二月初二日  
訓賀君饒云

相識春風第幾遭。海波映月却成潮。明溪一响黃梁夢。待到醒時倍寂寥。

孚佑帝君

庚申二月十五日  
訓高君叔彝

山花紅向老松前。過眼春愁已似烟。落月西溪清俗影。中流獨見上禪天。

詩 詞



唱 酬

桃仙原作 庚申正月初六日

三分明月二分烟。又逐雲蹤下九天。萬戶桃符新改歲。歡呼猶似太平年。

和作 王君秋渠

半畝湖邊草似烟。春情繚亂暮晴天。明朝人日花前思。雁落人歸又一年。

和作 錢君幹丞

劫雲四塞蔽塵烟。爲叩華鬢第幾天。盼到下元新甲子。光陰彈指又經年。

和作 江君宇澄

數點青山罨紫烟。遠籠村落接遙天。聲聲爆竹迎新歲。良地風來頌有年。

和作 袁君履卿

唱 酬

唱 酬

二

萬家燈火紫凝烟。知是蒼生禱上天。暗祝鴻鈞新運轉。熙熙共享太平年。

和作 陸君建三

萬戶桃符萬竈烟。及時行樂似堯天。人間歌頌由來久。共道今年勝舊年。

和作 張君頤伯

龍華四座繞祥烟。拜獻屠蘇慶普天。為道蓮花巖上白。今朝佛誕記年年。

佛書江州武平南安白花  
巖定光佛正月初六日生

和作 胡君勸周

斜陽一片靄晴煙。京雒風光別有天。好夢繁華都是幻。任他歌舞鬧新年。

白雲仙子原作 庚申正月二十三日

青峰飛下鶴連翩。尾亂浮雲蔽天。到處泉清皆適飲。相逢石穩便酣眠。多愁  
只為風驚樹感逝。偏觀水去川禽鳥有情。常識我可知。雞犬亦能仙。

和作 王君秋渠

修翎又鍛尙翩翩每逐西風望遠天靜坐松陰聽鶴唳閒隨萍梗伴鷗眠興  
來自在啼紅樹情往夷猶泛碧川蓬島更期年五百月明華表化飛仙

和作 錢君幹丞

輕駕雲輶體態翩心香一瓣可通天無情禽鳥知靈感大好河山任醉眠擾  
擾利功風舞絮勞勞因果月留川何如返我虛空性長嘯歸來作散仙

和作 江君宇澄

清霄飛鶴舞聯翩爲度蒼生下九天幾處笙歌傳雅奏一城風雨尙安眠烟  
籠籬落開三徑月湧江流匯百川無限幽懷共誰語乘風戴月作遊仙

和作 王君采丞

閒招松鶴意翩翩洞外烟霞自一天草澤鴻聲驚遠聽庭柯蟻戰任酣眠世  
情消盡雲藏壑色相空如月印川能度恆沙千億劫真靈不滅卽飛仙

和作 胡君劬周

唱 酬

唱 酬

四

閒看雲鶴舞翩翩。和氣如春養性天。知止久。貽黃鳥。笑隱居。常抱白雲眠。百年富貴終埋土。一去光陰感逝川。勾漏漆園留雅話。風塵中亦有神仙。

何仙原作 庚申二月初一日

百忙抽得一朝閒。看罷湖光又上山。野外羣生偏自在。花如解語鳥知還。

和作 王君秋渠

金馬門前鎮日閒。年來拄笏只看山。宵深月上老松頂。時有流雲自往還。

和作 張君頤伯

此身何日許抽閒。想像蓬萊海上山。省識天機先漏洩。柳枝今已報春還。

和作 朱君逸馨

神仙身世比雲閒。不住青天便住山。孤鶴一聲蓬海去。紅塵度得幾人還。

和作 江君宇澄

茫茫世事那能閒。不得元微獨看山。野鳥不知人意懶。枝頭猶自喚春還。



和作 袁君履卿

心與白雲相伴閒。捲簾欹枕臥看山。邈然誰識莊生夢。一片天機自往還。

和作 林君歌凡

道書讀罷自清閒。且向西冷靜看山。欲借春風隨鶴駕。漫遊瓊島不須還。

和作 戴君問予

風皺春波看等閒。高樓一角雨餘山。片雲盡日天邊去。爲作甘霖冉冉還。

和作 胡君勛周

游遍天涯不自閒。莫教辜負好江山。多情最是丁家鶴。勝似時人衣錦還。

韓仙原作 庚申二月初一日

翩翩鶴舞更鸞飛。校罷丹書下太微。一笑憑空雙袖冷。天雲濕透舊朝衣。

和作 江君宇澄

彩霞萬里榜雲飛。一片祥光近紫微。且喜春和催岸柳。可能分汁染青衣。

唱 酬

唱 酬

和作 王君采丞

觚。稜。一。角。五。雲。飛。暮。色。蒼。茫。夕。照。微。慚。愧。年。年。牛。馬。走。燕。塵。滿。目。詠。緇。衣。

和作 袁君履卿

長。空。忽。見。白。雲。飛。出。岫。無。心。抹。翠。微。化。作。甘。霖。霑。野。足。氣。蒸。山。澤。潤。侵。衣。

和作 林君耿凡

此。心。莫。逐。絮。同。飛。悟。到。黃。庭。道。意。微。寄。語。支。離。談。道。者。原。來。無。縫。是。天。衣。

和作 張君頤伯

踏。青。人。逐。燕。斜。飛。詩。興。清。幽。酒。力。微。皞。皞。熙。臺。春。意。滿。單。羅。料。理。百。官。衣。

乾淳歲時記二月初一日中和節唐人最重賜百官單羅衣

和作 戴君問予

青。郊。人。去。馬。如。飛。綠。綻。垂。楊。春。尚。微。一。卷。離。騷。供。醉。醒。墜。簾。花。片。尚。粘。衣。

和作 胡君劭周

拋將簪笏遂雄飛。豈有星光爛少微。五老峰頭尋舊侶。歸來雲滿紫霞衣。

宏教真人原作

庚申二月初一日

空裏雙鈴繫。此途漫論火候。與工夫真立。尙向真中得。莫在人間覓魯魚。

和作

錢君幹丞

返我元神只此途。探驪莫漫費工夫。箇中真諦能參解。悟到蒙莊濠上魚。

和作

江君字澄

雲路空空未識途。好求真理做工夫。人心本與天心合。妙在虛無自得魚。

和作

王君采丞

機械機心滿世途。更誰擊壤有田夫。靜觀識得無爲妙。自在游行濠上魚。

和作

陸君建三

鸚鵡能言馬識途。人爲靈物亦凡夫。有誰能得逍遙樂。上察飛鳶下躍魚。

和作

林君耿凡

唱 酬

八

誦得真言好識途。步趨處處是工夫。却憐當日茫無着。寢饋羣經學蠹魚。

和作 胡君劭周

繁華到眼總迷途。不作人間小丈夫。大地河山皆黯淡。道心惟羨北溟魚。

孚佑帝君原作 庚申二月初三日

海。層。層。樓。尚。可。尋。荒。唐。秦。島。未。銷。沉。碧。雲。猶。現。空。中。色。白。鹿。曾。成。劍。下。吟。晚。歲。修。持。參。佛。誦。華。筵。講。法。論。淨。吾。心。聰。明。相。望。知。多。少。事。事。聰。明。果。誤。可。古。能。今。

謹按是詩示畢。帝君諭張君頤伯云。吾故為險韻險句。命人猜之。法字當改為何字。果可能三字。停得住否。當改為何字。張君請將法字改為演字。果可能改為誤古今。旋奉批示。不易才也。即照改。然演字不如論字去聲。諸人可和來。

和作 張君頤伯

蕉。鹿。迷。離。舊。夢。尋。曉。鐘。清。徹。月。西。沉。半。生。每。濕。青。衫。淚。孤。調。徒。為。白。雲。吟。物。

外。談。禪。參。佛。諦。靜。中。講。易。悟。天。心。層。樓。海。市。原。如。此。來。去。空。空。誤。古。今。

和作 錢君幹丞

災。侵。烽。火。日。相。尋。為。叩。天。闈。挽。陸。沉。面。壁。達。摩。空。色。相。憂。時。屈。子。漫。行。吟。不  
從。咒。鉢。標。神。異。願。藉。靈。航。契。道。心。我。愧。疏。愚。辱。期。許。靜。中。參。悟。去。來。今。

和作 江君宇澄

海。上。三。山。不。可。尋。寰。球。只。見。日。升。沉。神。州。又。語。金。甌。缺。員。嶠。頻。聞。鐵。笛。吟。風  
定。天。池。空。佛。性。月。明。潭。水。淨。塵。心。青。鸞。白。鶴。隨。仙。仗。世。外。雲。遊。自。古。今。

和作 王若采丞

上。清。仙。侶。許。追。尋。大。地。河。山。感。陸。沉。何。處。笛。聲。驚。鶴。舞。有。時。劍。氣。作。龍。吟。看  
人。閱。世。餘。雙。眼。成。佛。生。天。只。一。心。萬。怪。千。魔。紛。下。界。真。前。無。古。後。無。今。

和作 林君耿凡

道。系。幾。微。自。可。尋。此。中。幾。度。再。深。沉。師用訓語帝。化。人。慚。愧。無。新。術。覓。句。艱。難。但。

唱 酬

今。苦吟落拓半生知。世態慈悲到處得。禪心聰明肯爲黃梁誤。携手林泉願自

和作 胡君勳周

枉尺休論可直尋。茫茫人海久浮沉。謝傅好名空泣淚。屈平何事苦行吟。求  
仙豈必皆陳跡。參佛從茲再洗心。慚愧此生聞道晚。一堂師弟且談今。

散道人原作 庚申二月十六日

容華曾擅麗姝妝。倚盡東風獨自芳。入港早沾漁父楫。栽郊猶憶宰官鄉。千年  
有實偷方朔。徧野休芻美武王。平昔却隨流水誤。不堪人世罪輕狂。

自註云予散道人路過此見諸君詩思豪發戲賦桃花一首索和

和作 張君頤伯

似笑無言淡淡妝。春風管領鬪羣芳。穠纖姿態傾香國。錦繡官城傍水鄉。蓮  
瓣有心同證佛。牡丹何幸獨稱王。玄都觀裏前緣在。再到劉郎喜欲狂。

和作 錢君幹丞

東風點綴鬪新妝。人自憑欄草自芳。惜別去年成舊約。浪游前度憶他鄉。移根獨許携仙子。醜面猶堪匹帝王。何處尋源避秦亂。棲身容我足佯狂。

和作 江君宇澄

春風幾度艷新妝。雨後穠華別樣芳。簾外一枝紅映日。觀中千樹錦成鄉。瑤池有寶憐方朔。古廟無言對楚王。劉阮入山休採藥。啖來餘核也應狂。

和作 王君采丞

竹外誰家絕世妝。十分春色自芬芳。莫隨流水成今日。最憶仙源是故鄉。含笑微醺金谷酒。無言合伴水仙王。玄都觀裏看千遍。自笑狂夫老更狂。

和作 林君歌凡

紅艷偏成時世妝。不甘薄命且芬芳。偶來水面翻新浪。數到源頭是故鄉。春意天天曾送女。渡頭葉葉總依王。瑤池却有仙人種。萬蝶千蜂不敢狂。

唱 酬

唱 酬

和作 鄧君孝先

杏。壓。嬌。殘。鬪。麗。粧。也。隨。流。水。愛。年。芳。漫。言。楚。國。留。遺。貌。直。指。瑤。池。是。舊。鄉。問。渡。妾。猶。歌。子。敬。尋。源。人。擬。話。秦。王。劉。郎。去。後。無。消。息。不。對。東。風。不。敢。狂。

和作 袁君履卿

笑。倚。東。風。鬪。曉。妝。無。言。亦。自。壓。羣。芳。輕。勻。粉。壓。迷。金。谷。半。染。酡。顏。入。醉。鄉。世。外。烟。霞。猶。憶。晉。江。頭。根。葉。總。依。王。綏。山。袖。得。千。年。實。分。贈。詩。人。喜。欲。狂。

和作 胡君劭周

嫣。然。笑。壓。艷。華。妝。曾。逐。春。風。鬪。衆。芳。爲。愛。名。山。留。醉。墨。好。隨。流。水。訪。仙。鄉。河。陽。有。幸。逢。潘。令。息。國。無。言。傲。楚。王。移。植。崑。崙。最。高。處。不。教。月。且。昇。詩。狂。

批 諸君詩皆有風趣可敬也。真所謂拋磚引玉矣。



# 記 事

庚申正月初六日

桃仙降臨。賜各社員酒各三大杯。以當屠蘇之飲。並示七絕一首。命諸人和韻。以盡歲首之歡。（原詩及和詩均登載本期要誌唱酬類）又囑諸生願學扶者。儘可試扶。先試而後派。應按日先隨熟手扶。並將扶乩論一讀。扶時須澄心靜慮。以與神感。久而久之。自能隨手而得。

庚申正月初十日

初六日乃學扶之期。是日爲庚申正式開會之第一日。何仙先到。詩有人意。可知天意否。偷安猶冀燕巢全之句。孚佑帝君降臨詞。有分付與頹垣破寨。壁立驚濤。幾曾見田成滄海。儘教汝英材雄邁。那有移山氣概。自畫成圈。回頭

記 事

須快等語。(均登載本期要誌詩詞類)

謹按是年五月間近畿一帶發生戰事六月初京師九城全閉而北五省大旱災民號稱數千萬同人敬誦何仙詩固已預知燕巢難全而帝君之詞尤似專爲戰事而發也

帝君示詞後諭云哈哈我醉矣。不與諸生晤談多日矣。近來修持如何。汝等熱心毅力。到底不錯。誠可嘉也。一念之善。即可上格蒼穹。何況有實在之善業耶。進行弗懈。獲福正未可量。老道亦與有榮焉。

聖雲壇弟子胡君席卿何君子言來本社參謁求訓

道原無界汝何猜。堅定方稱善品裁。若誤會緣緣自誤。高深憑却此安排。汝等自思之。

徐君森因胞妹無故自縊叩求指示原因

孽孽冤冤假弄真。花花絮絮果成因。前生錯註姻緣薄。惱恨伊人溷落茵。

徐君森又叩禱胞妹仁孝性成可否不墮輪迴擬在京師設治超度是否招魂有效

徐君手足情深。然已如此。可不必念。誦經超度。當有效也。

河南廣善壇弟子荊君輔臣在河南奉 帝君諭令到北京悟善社服務是日抵京求訓

汝來甚好。同門頗多。於德業進益不少也。

庚申正月十三日

姚仙奉 帝君命傳諭十五日。上元羣仙大會。又係人間燈節。是日會期。改於十六日舉行。

庚申正月十六日

本社編輯部繕呈第一卷第一期靈學要誌序文論說詩詞附錄各類並請示疑義及筆誤之處

記事

記事

四

孚佑帝君諭。所呈要誌底稿。編輯尙妥。其間或有疑義。卽派總編輯。會同校對各員。詳加審定。再行呈閱。

庚申正月十九日

黃仙降示詩一首（詩載本期要誌詩詞類）

同人叩問名號

生於宋世。號曰耆致。今日 帝師本諭 白雲仙子來社示文。乃 白雲仙子有事未到。且待下期。

庚申正月二十三日

何仙降今日 白雲仙子必來。仰肅靜一時。

謹按正月十九日。白雲仙子擬來示文。以事未果。是日 何仙承前文而言也。

白雲仙子降。（詩載本期要誌詩詞類）

吾不到此久矣。今日又以 帝君之命。與諸子文字周旋。緣哉。今日文題爲救世芻言。各先靜心侍筆。

是日宣示救世芻言崇儉第一。（載第一卷第二期要誌論著類）

庚申正月二十六日

黃仙先到。白雲仙子繼降。（均有詩載本期要誌詩詞類）

白雲仙子續示救世芻言守分第二。（載第一卷第二期要誌論著類）

庚申正月二十九日

洪仙先到。白雲仙子繼降。（均有詩載本期要誌詩詞類）

白雲仙子續示救世芻言不黨第三。（載第一卷第二期要誌論著類）

庚申二月初一日

劉仙何仙韓仙吳仙趙仙馮仙黃仙宏教真人侍駕。均有詩。（載本期要誌詩詞類）

記事

記 事

六

孚佑帝君臨示詩一首。(詩載本期要誌詩詞類)  
諭張君頤伯云。嚴逾冬霜暖似春。賞功罰過要聽真。汝須自盡休須誤。真理在  
此莫自氛。

張君奉賜詩不解叩請 明示

落葉三江紅不語。幾樹秋華到人世。意同而語不同也。

繕呈第一卷第一期靈學要誌編輯校對業經完竣

所呈均悉。第一期要誌中。尚多待斟酌之處。惟今日事過繁。頗難細校。可於初  
三日。開特別會。判示一切。

謹按本社編輯靈學要誌。遇有應有增減改正之處。不敢自專。均係呈奉  
帝師鑒定。方付刊印。因此手續較繁。時日或有愆期。往往不能按月出版一  
次。蓋一字一句。必待 命而行。亦慎重之意也。

庚申二月初三日

韓仙何仙馮仙吳仙俞仙侍駕及宏教真人均有詩。（載本期要誌詩詞類）  
孚佑帝君臨示詩一首命和。（詩載本期要誌唱酬類）

今日特請 風徽伯先生。上覺道人降臨已將至矣。惟沙盤須設二所。以備  
二真人同時著作。

上覺道人臨示詩一首。（詩載本期要誌詩詞類）

今日 孚佑帝君召吾來。與諸君談談吾腹空空。何以副望無已。且拉雜書來。  
題爲命運說。惟僅披露十餘句。以扶手太生。遂去。

謹按扶手太生之故。因同時有 風徽伯著鬼神論。原有扶者熟手。未克分  
身。茲另設沙盤。扶手尙係初學也。

孚佑帝君命校勘第一卷第一期靈學要誌畢。靜候許久。  
風徽伯張安道先生降臨示詩。（詩載本期要誌詩詞類）示鬼神語一段。至  
守其常理。安其常職。不然無由得也爲止。（載第一卷第一期要誌論著類）

記事

記事

旋諭云。此篇甚長。精妙之處尤多。非一時所能辦。後期續錄。

庚申二月初六日

魯仙洪仙梁仙何仙均有詩。載本期要誌詩詞類

白雲仙子降臨。(詩載本期要誌詩詞類)續示救世芻言維教第四。並將前

示不黨第三之文。略加增刪。(載第一卷第二期要誌論著類)

庚申二月初九日

楊仙癡仙醉仙淨仙韓仙降。(詩載本期要誌詩詞類)

叩問 癡仙姓名

記曾落拓向邯鄲。十載琴書面壁談。不解逢迎工趨走。一身無伴入終南。前唐

開元進士第曲江沉水者也。

叩問 醉仙姓名

舊在尙書列。曾偷酒一壺。

按是時伯謂醉仙甫披露二句。張君頤係畢吏部茂世也。

旋奉 示既已知道。



我不該罷

叩問 淨仙姓名

觀我詩格。當知是何代人。

張君頤伯答稱詩格似晉陶靖節先生。

哈哈君猜着了。我本上列 天曹。因錯論謫蓬島。與 安道先生同行。故相借也。

謹按 風徽伯張安道先生與 靖節先生同為晉末人。而在仙曹亦同行焉。至 靖節因錯論被謫。則未深考。是時 靖節謂與 安道同行。同人尙不知今日 安道降臨也。乃未幾而 安道果臨矣。

風徽伯臨。（詩載本期要誌詩詞類）

吾受汝師託。來續編論著。是日續示鬼神論。至非同漫說因果者比也止。（載第一卷第一期要誌論著類）

記事

記事

庚申二月十三日

胡仙吳仙馮仙魯仙宏教真人侍駕均有詩（載本期要誌詩詞類）宏教真人示今日白雲仙子與風徼伯皆有別事不能臨吾來閒談無妨細評風月也。

學扶一道先須誠心其初步要在以誠格神斷不可落於思想界也若到誠之熟時便可以意逆志得其玄奧爾時天人一貫人即神之手足矣記之孚佑帝君臨示詩云清泉在山泉如何

謹按 帝君降臨示詩謹此一句不解何意

現時要誌出版亟為重要不容或已汝等切須努力功成一簣然非扶手得力何以資厥功焉今者博訪扶手非過於聰明即失於隱偽求其一真蓋已不可多得矣今為化世之故可特命扶員口口來京社供職

謹按是時靈學要誌第一卷第一期尙未出版 帝師屢次催促蓋視為極

重要事也。至扶手缺乏。實本社困難之狀況。其時同人以口口尙遠在他省。令其特來。恐社中經費支絀。殊有不了情形。互相磋商。

你們不了。何不問我。我倒有些主意。

同人叩問有何主意。

此事無須憂念。要是無長進處。豈非我欺了你們麼。純陽雖愚。計不出此。

謹按是時本社社員。雖逐漸增加。然實在勉力維持社務者。僅有數人。困難情形。莫可名狀。乃不越數月。卽有熱心善業之諸君子。携手偕來。帝君之言。果大驗矣。

萬事要了須早了。你們榮華能到老。哈哈汝等尙小。哈哈汝等尙小。何不把這頭回得早。我教你們須知道。無人時自己煩惱。有人時自己焦燥。這個事到底如何是好。你們財也沒多少。力也真正不能算不小。哈哈再莫道老道沒分曉。你們明知無計較。哈哈要問計較。須問口口口口二人。便有些分曉。哈哈你們

記事

只是糊塗大將軍罷了。要封你勳二位也就難了。

謹按財力二語。殆指社中當時經費支絀。及同人勉力維持社務而言。是諭於恢諧之中。並寓鞭策之意。讀之極有興趣。

又按是日。帝師及宏教真人降臨。時間最久。至夜間四句鐘。甫返駕。緣某君以上年十月初六日。帝師自謂已口口世進士及第云云。考核進士科。始於隋大業年間。帝師係唐咸通進士。計算年代。叩問疑義。宏教真人批答甚多。示以帝師心存濟世。志在度人。尙有宋明之身。並以某君之前身明告之。謂燕都爲其前二世降魄處。今且復然。又以某君後日之事。用隱語七絕一首告之。囑其刻燭三分。隨筆和來。勿許思索。嗣某君呈和詩。奉批燭已四分矣。已逾限矣。命王君宣讀其詩。批云。詩雖大好。惟我有些耳聾。還未聽清。復命某君自讀。批云。聾者不與鐘鼓之音。帝師又賜某君詩一首。諭云。此詩之意。在是在是。嗣某君遵呈和詩。批云。何乃自輕如此。

耶。汝勿自誤矣。即今不歸。更安所歸耶。凡迷者不可知也。汝但就不可知者。以默求之可矣。吾賜汝一字。汝須守之終身焉。中庸所謂誠者安在。汝其省之。又賜詩二句。茲以係某君個人之事。照例不錄其詳。

庚申二月十五日

吳仙盧仙楊仙侍駕。均有詩。（載本期要誌詩詞類）

孚佑帝君臨示詩一首。（載本期要誌詩詞類）

汝等欲知未來事乎。此有法可學也。法於子時靜坐。誠心默禱某事某人。將來如何。再靜坐一刻。忽然心中一動。便知真相。全是靈學真機也。然要須極誠。又須其人極靈也。能此則可免問事之煩。

又諭奕君少敏云。汝貴胄也。品行頗能自拔。實屬難得。吾猶憶前與純皇帝談及旗籍生計。頗為扼腕。爾時吾奉 皇旨。默佑旗籍者。垂百五十餘年。今旗籍顛連尤甚。汝當設法與同族創立生計會。由近及遠。使漸蘇息。以副吾與

記事

純皇帝之意焉。

又諭袁君履卿云。消息東皇有特恩。春風浩蕩氣常存。勤行方便勤修德。保汝今生未斷魂。汝根基極好。須勤自修也。但恐無後勁耳。倘再一轉。則難爲力矣。

庚申二月十六日

吳仙先到。（詩載本期要誌詩詞類）

散道人降。示桃花詩一首索和。

吾雖路過。實受純陽之託。命甲乙諸君詩草。以備要誌唱酬類材料。（原作和作均載本期要誌唱酬類）

同人叩問姓名

答云散道人。卽我名也。

我還有餘興。與諸人唱和。此等唱酬類。非催督不能辦也。有倦者可以自便。

時同人多有請假先歸者。

旋又奉示九韻七律一首。與同人推敲蓬洲瀛洲赤壁秋赴寒流等字。（載本期要誌詩詞類）

庚申二月十九日

應仙韓仙吳仙胡仙侍駕。皆有詩。（載本期要誌詩詞類）

應仙示云。今日乃 觀音降世救苦之日。諸生齊集恭候可也。

慈錫尊者慈惠尊者慈會尊者慈寓尊者皆侍 觀音大士之駕。均有詩偈。

載本期要誌詩詞類）至慈覺尊者慈化尊者慈鑑尊者慈輶尊者慈澤尊者

慈法尊者及龍女韋陀皆無詩偈。

觀音大士與 孚佑帝君先後臨。同著三教真偽辨。（已刊登第一卷第二期

要誌論著類）

庚申二月二十三日

何仙蕭仙均有詩。（載本期要誌詩詞類）

記 事

何仙示云。今日白雲及風徽伯二位仙師。仍以他務不能臨。或者帝師另派他仙。亦未可知。同人靜待許久而常樂金仙果降。

常樂金仙降示七絕一首。（載本期要誌詩詞類）

吾奉帝師命。特示此社墨畫數紙。書三紙。今觀諸君誠心。似尙未如盛德壇也。唉。吾既奉諭。固不得不然。

叩問宣紙尺寸大小書畫如何分配。抑橫鋪順鋪。

大者宜畫小者書。書畫均須一順鋪。旋奉金仙繪帝君像二尊。（已恭載

第一卷第一期要誌）

又繪人世桃源君子竹各一幅。（已登載第一卷第二期要誌）

續繪三生石蘭因各一幅。（登載本期要誌）

庚申二月二十六日

胡仙侍駕有詩。（載本期要誌詩詞類）



未攝影記

元七絕一首咏攝影也。(已載入第一卷第一期要誌 帝

記事

七七



靈 蹟

謁張天覺

張商英字天覺。宋大觀四年為相。有檻縲道人及門求施。商英不之禮。戲問有何術。曰能捏土為香。即於階側取泥捏而焚之。奇香酷烈。煙罷。道人不見。案上留詩一章。捏土為香事有因。世間宜假不宜真。皇朝宰相張天覺。天下雲游呂洞賓。商英自恨不識。從此格去非心。

謹按此。呂祖點化權要之妙用也。自唐宋六朝帝王將相。震赫一時。惟以求仙為事。妄欲乞憐。方外求得不死術。以長保富貴。何其慎也。商英見道人而不之禮。是猶平居以盛氣陵人。而不虞真仙。即在於是。問有何術。聊戲之耳。詎知欲煉金丹。必資土釜。故恆以土為香。以墨為金。用以合和四象。交合。

靈蹟 謁張天覺

中黃斯蓋有形之外丹也。外丹既成，故罷香透九霄，隱形物表。彼商英何足  
 以喻此。因復貽詩以警之。夫一生之富貴功名，皆假也。而世間誤以為真。於  
 是營私勸法之事，靡所不為。其始念第欲保其固有庸知電光泡影一瞬即  
 逝。久假不歸，烏知其非真。有故以假為真，必至以真為假。一旦真元牿亡，迷  
 失本性，即當日之假面具亦渺不可得。皇朝宰相何如天下雲游。呂祖之  
 詩，殆為張相作。當頭棒喝耳。雖當面錯道，悔恨無及。但能格去非心，是猶夙  
 因未昧一詩感悟之功也。蓋權貴必有夙根，而墮落皆因喪道。非心者喪道  
 之橐籥也。大則損害家國，小則迷失性情。一念之差，百身莫贖。凡水旱刀兵  
 疫癘及種種劫運，皆自當局之非心啓之。故其昏昧較常人為尤甚，而其受  
 報亦較常人為尤酷。因墮落而冀超度，抑已晚矣。故欲求道者，必自格其非  
 心。始張相雖見道未明，而世之喪失本來，妄作威福者，其自處何尚出張相  
 下也。

# 武昌鬻梳

呂祖游武昌天心橋。詭姓名。鬻敝木梳。索價千錢。連月不售。俄有老嫗行乞。年八十餘。龍鍾樞僂。禿髮如雪。呂祖謂曰。世人循目前。襲常見。吾穹價貨敝穢物。豈無意而千萬人咸無超卓之見。尙可與語道乎。乃以梳爲嫗理髮。隨梳隨長。鬢黑委地。形容變少。衆始神之。爭以求梳。呂祖笑曰。見之不識。識之不見。乃投梳橋下。化爲蒼龍飛去。呂祖與嫗不見。後始知其爲呂仙也。

謹按天下事有出尋常意計之外者。必非途人所能測。敝梳千錢。必無之事也。當鬻梳時。其往來於天心橋者。必羣笑其愚妄。因又化身老嫗而作是言。蓋循目前襲常見中人以下。皆然不足爲世人責也。獨不思以至敝之物。索至昂之價。敝帚千金之謂何。而此千萬人中。竟無有過而問者。中人以下。不可以語道宜。呂祖慨乎言之也。夫道通天地。協陰陽。化有無。超生死。原不在一事一物。故炫神奇也。但往往藉一事一物而察人之智慧。驗人之緣法。

靈蹟 武昌鬻梳

有是智慧。有是緣法。乃可授以道訣。而有入道之門。管片浮波。藥市持丹。此物此志也。道德經曰。上士聞道。勤而行之。中士聞道。若存若亡。下士聞道。大笑之。不笑不足以爲道。呂祖既抱傳道宏願。不惜游行市中。假借名物。以相戲。其連月不售者。皆大笑之類也。其爭以求梳者。皆若存若亡之類也。迨至蒼龍變幻人物。俱杳。卒無有勤而行之者。見之不識。識之不見。此二語實爲求道之針砭。傳道之障礙。可不懼乎。梳既不售。乃爲老嫗理髮。適從何來。遽集於此。是媪也。殆呂祖之別一化身也。變白爲黑。返老爲童。世人始譁然以爲神矣。且爭以求梳矣。詎知見道不明。求道不切。即使駐顏有丹。亦恐煉魂無藥於道。詎有絲毫益處耶。投梳而逝。亦固其所竊嘗思之。大道玄奧。世賴師傳。但仙佛化身微行市廛。輒顛倒事理。以相試。所謂見之不識也。暨乎跨龍入湖。歸形太虛。又所謂識之不見也。然則傳道者與求道者將何所藉以契合乎。曰。是必有夙因。有夙緣。有夙慧。有夙慧。則

無論其人。其書其事。皆足以啓發。知能。借登大道。彼武昌橋上之千萬人。則固未足以語此。

### 武昌賣墨

呂祖游武昌。詭爲貨墨客。墨一笏僅寸餘。索價錢三千。連日不售。衆咸笑侮。有鼓刀王某曰。墨小而價高。得毋有意耶。遂以三千錢求一笏。且與墨客劇飲。醉歸昏睡。中夜有叩戶者。乃墨客以錢還之。辭去。比曉視墨。乃紫磨金一笏。上有呂字。遍尋客。已不復見。

謹按此亦鬻梳之類也。王某何人。獨能心知其意。孰謂鼓刀中皆俗士耶。寸墨而售價三千。笑侮自是恆情。王某獨求之。且留客飲。是知其有意而究不知意之所在也。迨昏暮醉臥。客及叩門返錢。王某亦姑置之。乃觀墨化爲金。並有呂字。始尋客。而客已不見。其始終於無緣者耶。當劇飲時。王某如有夙緣。呂祖必贈之以詩。或授之以道。解悟超脫。亦未可知。乃僅僅以墨化金。

靈蹟 墨化成金

六

豈以濟貧爲了。願耶。尋之不見。亦猶見之不識也。但王某雖無夙緣。而一念之誠。已邀顧盼。並化金相贈。從此鼓刀中多一種仙蹟。有心哉。王某惜其未達一間耳。夫物輕而價重。必有敗絮。其外而金玉其中者。此其意。王某已知之矣。獨是墨爲黑色。屬陰類。道之不修。卽此陽不勝陰。陰氣盛。斯真陽漸歸消滅。若墨化爲金。斯陰中潛陽。徐徐上升。頓成光潔堅純之陽質。而道體以固。此以物之變幻。而覺悟之。王某則未之知也。若夫會飲劇談。不及道要。返沽而去。昏醉者。無容心焉。無夙緣。故無夙慧。惜哉。王某知其一。而不知其他。宜 呂祖之不返也。

墨化成金

韓忠獻公琦。晚年始延方士。有道者。鶉衣垢面。求謁。韓意輕之。曰。汝何能。曰。能爲墨。試令爲之。卽掘地坎洩焉。韓不悅。道者乃和揉坎中泥爲墨。曰。成矣。遂去。公徐取墨視之。乃良金也。上有呂字。破之。徹肌理。韓追悔無已。尋卒。



謹按此與武昌賣墨各有用意。彼於稠人中僅得王某。因售墨而化爲金。是爲一般普通人說法也。若韓忠獻公爲宋名相。坐平政績。斐然可觀。至晚年而始延方士。則其從前之信道不篤。可知。觀其鶉衣垢面。而韓已輕之。及爲墨之時。而韓又不悅。彼其意殆謂仙風道骨。必非市井齷齪之徒。且必有長生術。以詔我也。詎知韓已屆衰朽之年。死期將至。耶。夫墨爲陰類。爲墨必以水。水亦陰象。掘地及泉。其象爲坎。明乎中。滿之卦。陽氣將竭也。又不以水而以洩。昔師慧過朝。而將私。非果私也。譬無人也。韓已不久於人世矣。故預示之耳。惟是韓之爲相。尙有堅拔之行。雖不喻修道之理。但非怙權禍國者。比卽入輪迴。甯至墮落。且人生修短。自有定數。亦非仙力所能轉移。故墨成而呂祖去。且授之以金。明乎陰象雖成。幸有堅強不拔之操。還我本來。固有上言。呂字不啻面命之也。破之澈肌。言表裏如一。可貫澈此旨也。韓始終不悟其意。亦第爲常人之追悔而已。由是觀之。韓相係功名中人。非道行中。

靈 蹟 墨化金

八

爲。人。見。道。已。晚。自。無。夙。緣。呂。祖。知。其。將。死。故。藉。爲。墨。以。示。之。恐。其。墮。落。又。幻。爲。良。金。以。勉。之。故。同。一。化。墨。爲。金。而。與。者。受。者。皆。別。有。用。意。所。在。云。

附 錄

藍采和祖師昭通師弟辨難 轉錄天津醉紅軒

昭通間有知微先生者。家清貧而富於典籍。名宿也。嘗授徒於新里之了悟菴。其爲文氣蒼格老雅。不屑與俗手諧。居恆教弟子務實踐。不規規於詞章。菴故壯麗。神像皆莊嚴。先生每過之。輒勃然色變。視必下。氣必屏。語若寂不聞聲者。朔望及諸神誕日。必衣冠肅拜。里人迂腐之。而先生弗顧也。一日語門人曰。敬者。修德之基也。神者。作敬之所也。君子將修德。以獲福。烏敢慢神。以取厲。語未竟。忽聞吃吃聲。視之。則有許生。其辨者。及門高弟也。冠欲墜。腰欲折。掩口而笑。不可仰。先生正色曰。何爲其然也。許生曰。先生欺予哉。嘗聞之人道邇。而神道遠。是以聖人不語神。告季路則曰。

附 錄 藍采和祖師昭通師弟辨難

事人。訓樊遲則曰務民義。今先生冠儒冠。衣儒衣。居然誦法孔子矣。顧不以正大光明者教弟子。而惟以幽冥者教弟子。先生欺予哉。先生曰。子謂神爲幽冥是矣。子謂神非正大光明豈理也哉。子謂人道邈而神遠是矣。子謂聖人不語神。猶未觀其通也。夫所謂不語神者。特不張天下淫昏之熾。以杜妄人諂瀆之私也。泰山旅則季氏蒙譏。虛器作則臧孫貽誚。故何爲者。彼不盡其分之所當。然而徒請命於神之不可知也。然而齋明盛服。如在見紀於中庸。烈風迅雷。必變。特書於上論。且春官一書。言事鬼神者。特詳。子亦以聖人不語議之乎。至季路樊遲之問。夫子特就人事之可據者。教之。恐其務虛渺而反昧實修耳。豈謂其非光明正大乎。

許子曰。是固然矣。然獨不曰視而不見。聽而不聞乎。而今之所謂神者。異是。斷堅木以爲筆。畫河沙以成字。曰此神之降。乩也。一人高談於上。衆人拱候於前。曰此神之降像也。屏聯書畫。下雙管則著紙欲飛。詩賦文詞。試萬言則倚馬可。

待曰。此神之降。鸞降筆也。神鬼無形與聲。而今乃若是。此又何說。曰。子何少所見。而多所怪也。夫神佑光武。渡溱洧。而合冰。賊寇奉天。見黃旗。而却走。載在前史。昭然可見。豈果無形與聲乎。夫所謂無形無聲者。神之體也。有形有聲者。神之用也。天地之大也。何所不有。而獨疑於神之降乎。許生曰。夫子體用之論。誠然。昔者黃巾倡亂於漢末。曰蓮煽惑於明季。迄乎嘉慶之初。聞亦間有神降。未幾而教匪復熾。然則神之降也。卒爲亂階。卽擯而斥之。未爲不可。若從而信之。弟子滋懼矣。曰。異哉。子顧懲羹而吹虀乎哉。夫黃巾曰蓮。邪教也。非神教也。燒香聚衆。念咒書符。神教無是也。今神之教人。也以孝弟忠信。以禮義廉恥。其言歸於平淡。其道本於中庸。借令人能遵其教。則欺詐者變爲忠樸。貪鄙者變爲清廉。卽強暴者亦化爲和平。人人親其親。長其長。而天下平矣。然則神之設教。正所以弭亂也。而子顧以爲亂階。試問何者。可以弭亂乎。

附

錄

藍采和祖師昭通師弟辨難

三

附

錄

藍采和祖師昭通師弟辨難

四

許生曰。然則神何若是其迂也。以神之力。何之而不可。善者明予以福祿。一人賞而衆人無不知勸也。惡者明予以誅戮。一人罰而衆人無不知懲也。賞罰明而善惡分。勸懲昭而不變易。區區口舌筆墨之間。爲功幾何。而卒也風不移而俗不易。徒爲世俗所驚疑。亦何其不知務也。

曰。刑賞者法律之公也。教化者悲憫之懷也。舜舉元愷。誅四罪而不廢。司徒之教。周聯四友。誅三監而不廢。讀法之條。神之教人。亦何獨不然。在子之意。直將舉不善者而誅之。則殺無道。以就有道。康子之計。爲得矣。然天下不在可誅之列者。曾幾人乎。且善惡之報。歷歷不爽。有遠亦有近。有暗亦有明。都邑城鄉。常有之神。豈專從事於教而不分乎。賞罰哉。無如善者福而人猶不勸。惡者罰而人猶不懲。不得已而顯化。垂教神心。亦良苦矣。試觀神聖所諭之人。有涕泣悔過者。有恐懼修省者。至於愛物仁民之舉。較昔爲多。敗常亂俗之風。較昔爲少。烏得爲無功乎。

許生曰。功則有功。然而究不能不起人之疑。吾見佩神教者。流有借以索利者。有勤始而怠於終者。有言語粗俗而妄談禍福者。夫子豈未之見耶。曰。天下事有正必有邪。有真必有偽。君子從其正。不從其邪。從其真。不從其偽。從違之故。誠在我耳。孔子生春秋。而鄉原爭其名。孟子生戰國。而楊墨樹其敵。不得因鄉原。楊墨。而遂謂孔孟之道不可從也。若神聖之心。本期佩教者。確守不易。至於末路。終衰流弊。無窮。則非神聖之心也。人自負於神神。何嘗負於人。且子以孔門三千。盡如顏閔諸人乎。

許生曰。如夫子言。神教信可從矣。究之承平之世。無神教。而海宇乂安。叔季之秋。有神教。而刀兵疊起。是又可故。

曰。此正神教之所由來也。承平之世。風清俗美。夫何需乎神教。迄於叔季。習尚浮華。財物竭而衣食告匱。民心變詐。爭競起而禍亂叢生。將威之以刑律。而奸雄偏能漏網。將淑之以學校。而師儒僅習科藝。子試思之。擔當世道者。果屬何。

人乎。故神不忍。民氣之澆漓。天下之將亂。不得已而爲是舉也。且龍馬負圖。伏羲探乾坤之義。靈龜陳範。大禹成刊定之功。卽聖人治世。何必謂無神助哉。總之。君子之於事也。但以是非定去取。不以常變論有無。理果正也。但取其可以淑身淑世而已。不必經見也。若其非正。則天下之反道敗德者。雖儼然飲食衣服。常聞習見。卽指爲妖邪。投之荒裔。不爲過也。豈徒神教爲然哉。嗟乎。人心之頑梗。至於今極矣。王法不能革其心。清議不能生其畏。幸神人闡教。稍有轉機。是告朔之餼羊也。若並神教而禁之。則囂凌之習。吾不知其何所底止矣。

許生乃肅容再拜曰。謹受教。吾過其地。適見焉。因其言之足。以衛吾道。且能發明神道。所以設教之隱衷也。故詳記於書。敢以質之。輕闢神教者。

孚佑帝君訓諭

轉錄湖南誠念堂

民國五年丙辰十月二十九日降筆

昨據值日仙官報稱。有無知之輩。謂吾呂洞賓無所稽考。此等狂吠。吾置不理。



但吾自唐迄今。垂千餘載。史冊註載分明。呂崑字洞賓。爲咸通朝進士。而諸子百家之書。亦多紀錄。何謂無稽。况無留蹟於岳陽樓。託形於黃鶴樓。往來名人學士。無不在此題詩把酒。王公大人。莫不恭讚題顏。是則呂洞賓之現像明跡。彰彰在人耳目矣。今不贅論。卽以吾仙闡教而言。上宗唐虞孔孟之學。下啓四民賢智之萌。講道論德。說義宣仁。訓愚民以八德之箴。教凡夫以三綱之義。旨趣正。大宗範光明。並無不法之言。以教弟子。亦無非軌之事。以惑衆生。何得謂爲邪教。又以濟世而論。亦因凡俗之輩。非顯神靈。無以復其真性。而中材上智。又無不談以性理。故設符水藥方等事。以濟凡民。實藉此以啓牖愚頑也。且濟世救人。亦天心一片仁術。並無害人之事。又何得謂爲邪術。再以教匪而論。吾仙開化已數百年。扶鸞已十數省。迄今並無爲亂之人。亦無爲害之事。何得謂爲教匪。總之世界如果光化。人民如果賢良。家家蹈循規。人人尊賢希聖。又何必累仙下凡。而仙亦不願下凡也。卽無呂洞賓之神。及諸佛仙真等。亦無不

附

錄

李佑帝君訓諭

七

可。而吾亦何必再三苦口哉。吾等居雲霄之上。遊崑崙之岡。無煩無惱。享幾點清淨福。有酒有詩。做幾篇醒世文。並非欲與塵俗往來。願與愚頑聚合。不過昔年誓願太深。而民間災劫太重。故不得不奏請 玉帝。假木筆以喚蚩蚩。藉砂盤而覺夢夢。豈好辯哉。予不得已也。桀犬狂哮。亦置不問。吾言已矣。爾等其諒此苦心焉。

謹按湘省誠念堂所刊濟世金鍼內。並恭載 文昌帝君 關聖帝君丁巳二月初三日訓諭一篇曰。近有無知之徒。謂 呂翁無所稽考。故今日吾等臨盤一示。特爲解明。以正人心。而挽世俗。諸子誌之。 呂洞賓者。古唐之名進士也。留聖蹟於岳陽樓上。寄仙踪於黃鵠磯頭。雖三尺童子。無不知其爲仙也。自世道衰微。人心偷薄。故奉 玉旨飛鸞闈化。喚醒愚民。藉木筆警世。扶乩指引覺路。不料人心愈趨愈下。而世俗愈挽愈頽。可哀也已。可痛也已。茲者 天心好德。不忍立刻回鸞。 帝德無私。安肯一朝閉閣。卽以 呂翁

而論。上宗孔孟之教。下開醒覺之津。講道德。說仁義。教以三綱五常之旨訓。以八德四維之箴。假濟世以醒愚民。放懷惻隱。憑扶鸞以警凡俗。滿腹慈悲。是又何得謂爲妖邪匪類。總而言之。無論神之靈與不靈。惟在人之誠與否耳。是爲解云云。又恭載丁巳二月初三日。孚佑帝君訓諭一篇曰。近日又有風潮。不過一班無知之輩。挾嫌狂吠。不必理他。何也。吾道上宗孔孟。下導愚頑。一片苦心。滿腔熱血。專以救劫渡人爲主體。並非教人不法。該無知狂徒。謂爲妖術。深堪憫惻。生等在吾門下。有數年者。有數月者。有數日者。吾無不竭力默佑。斷不致使爾等受害也。况吾道興廢。自有命數存乎其間。該狂徒其如命何。爾等在壇各生。切勿與他等計較。倘有詢問各事。亦不必逢人妄語。免得牽累。勿謂言之不預也。切切此囑云云。不越數月間。迭次奉示。如出一轍。遙揣誠念堂請乩求訓。湘省人士必有從旁訾議者。殊不知世風日壞。漸釀亂階。上蒼慈悲。神明卽下降塵答。力期挽救。藉警愚蒙。該堂總纂

附

錄

孚佑帝君訓諭

九

附錄 關聖帝君識破生死關頭說

十

等並註云。帝君事蹟散見子史雜記者。纍纍皆是。悉心研究其學。以儒爲宗。以仙爲極。以禪爲通。涵三爲一。用集大成。乃務道學者。誦神佛事。神仙者。外道學。不知三教分途其名也。要皆所以遷善遠罪。其實也。至祿氣質之蔽。以反求諸性天之始。其本則一而已。帝君以聖賢仙佛。悲天憫人之心。不惜飛砂垂訓。原期末劫塵生。同登覺岸。而世人不明此旨。遂至妄肆鼓簧等語。是可知人心不同。各如其面。慈航雖有。普渡之願。究不能強人人而渡之。爲可慨已。

關聖帝君識破生死關頭說 轉錄無錫演化壇

古來生死之際。乃聖賢豪傑得果之時。吾則以爲未盡也。夫生死大怖。誰則無之。雖曰熟知百年必盡。無所避逃。顧一念貪生。豈獨凡夫哉。然則遇變如常。其所操持。又何道乎。不過能將生死兩字。從不作兩截看耳。有云視死如歸。斯言大謬。生也何去。而死曰歸乎。腔子生死。豈我生死。所謂我者。必然另有一局面。

豈此區區血肉而可便倚之爲生死哉。故三教聖賢尋取自家著落。看得腔子。祇如廬舍仙家。修持得果。比吾儒立忠立孝時。瀝血斬頭事。並無差別。都是打破生死關。作一截看人之患死。祇爲不知死去。走何徑路。作何景狀耳。譬如人幹辦一事。胸中了了。見得此一事到底如何。則坦然下手。若其昧昧。則退怯心生。何況生來死去一大事乎。然有一事。勢在必爲者。則不憚搜羅。亦得明白。纔到明白。卽弱者強。愚者智。懦者壯也。死生事人。豈不知勢在必爲者耶。何全不向此中尋明白去。人生天地間。祇一氣之真。一性之靈。性靈真氣。不從有身後。有則定。不因無身而無。但苦無從識取耳。若要識取。祇在未用心時。存看當用心時。把持既用心。後驗認此。便是人生一大功業。吾嘗有言。世間祇三等功業。第一乃萬代功業。聖人佛祖是第二。了一時世界之功業。英雄豪俊是第三。祇作一身料理。使氣無虧。處性無玷。處如此而已。三者雖殊。而識破生死關頭。明白自家來去。則同也。不然。莫說白刃臨頭。卽疥癬。倘且攢眉呵護。而暇保持其

真。氣。性。靈。哉。彼。胸。中。竟。以。一。死。為。意。外。事。矣。焉。知。死。後。之。作。何。形。况。哉。爾。學。人。能。造。就。第。幾。功。業。中。人。乎。怯。乎。否。乎。吾。每。見。世。上。出。一。言。苟。為。他。人。所。制。則。必。憤。然。起。思。出。其。右。今。乃。以。一。大。事。付。與。鬼。魁。羅。刹。播。弄。耶。戀。乎。否。乎。吾。每。見。世。上。於。貲。產。室。宅。奮。然。營。求。一。遇。及。身。之。禍。則。身。外。勢。不。及。顧。肢。體。爪。髮。無。不。珍。惜。一。旦。有。心。腹。腎。腸。之。患。則。亦。能。裁。其。輕。重。也。似。乎。獨。明。於。百。年。必。盡。之。身。反。不。顧。萬。劫。長。存。之。性。靈。真。氣。何。也。言。及。此。能。釋。不。然。於。彼。耶。火。必。不。蹈。湯。必。不。赴。白。刃。畏。觸。毒。藥。畏。嘗。怖。死。也。至。逸。欲。則。無。能。卻。者。以。為。禍。不。若。是。大。耳。而。吾。權。度。其。間。殆。有。甚。焉。儻。念。學。道。初。心。能。不。奮。然。而。起。耶。爾。諸。學。人。於。英。雄。豪。俊。之。功。業。無。所。建。明。則。儒。門。既。遠。於。清。淨。修。持。之。功。業。多。生。障。難。則。立。學。又。荒。世。間。更。有。何。事。可。做。吾。甚。疑。矣。

廣門陳仙

真修 及時盡孝文 轉錄廣東省躬堂

光緒二十三年九月三十日降筆

蓋人自離裏屬毛之後日在提攜襁褓之中無故偶啼父母即憂其或餓一時

不笑父母卽懼其沾寒睡濕眠乾艱辛備歷及其成童也則教以詩書開其智慧說以道德範其性情及其長也而謀爾家室欲承宗而繼祖遺之事業欲垂統以開基秀則勉力攻書每節衣食以資其膏火否亦代謀立足常破產以助其本錢甚至子有所憂親亦憂其憂子有所病親亦病其病自乳哺以至成人何嘗一刻不以子爲念也則父母劬勞之恩真莫大焉是故鴉有反哺之義羊有跪乳之恩此言何謂哉孟子有曰人生之樂境首以父母俱全爲人子者當以及時盡孝蓋父母之心雖甚長而父母之年則日短故曰父母之年不可不知也設若父母不生雖貴至王侯富如郭石視官爵金玉而得樂乎此時回憶欲養正所謂樹欲靜而風不息子欲養而親不在已有父母者可不及時孝養哉卽或致祭椎牛靈魂安在請封受誥體魄何榮墓門有驅石之鞭勢難相見人世有縮地之術理不相逢生前不及時敬養死後復有何顏靜坐思之能不穆然神傷乎如或忘罔極之恩不思報本則他日子子孫孫皆效尤點點滴滴

無。差。錯。諺。曰。孝。順。還。生。孝。順。子。忤。逆。還。生。忤。逆。兒。勸。爾。世。人。有。父。母。者。觀。高。堂。之。白。髮。當。及。時。孝。養。惟。恐。來。日。之。無。多。不。必。定。以。鷄。豚。不。必。悅。以。金。帛。萬。事。皆。從。一。順。字。以。博。其。歡。心。便。是。孝。矣。語。曰。百。行。以。孝。爲。先。爲。人。子。者。可。不。盡。乎。可。不。及。時。而。盡。乎。孟。子。曰。五。十。而。慕。者。其。大。舜。乎。人。亦。宜。守。此。爲。法。也。勉。之。



十一年二月出版

每冊現大洋四角  
全卷十二冊大洋四元



版權  
所有

編輯者

悟

善

社

北京宣內松樹胡同四十八號

電話西局二千三百三十號

印刷者

光華美術印刷有限公司

宣武門外海北寺街

電話南局一四二九

▲▲注  
意▼▼

本社發行靈學要誌手續極爲清楚每期發行將購閱諸君姓名一一書於送郵簿上詳細點交郵局仍請郵局於簿上一一分別加蓋郵政戳記是本社所發要誌均有冊簿可稽尤有郵戳爲據決無遺漏之弊乃現接數函謂前期要誌尙未收到爰向郵局交涉據郵局聲稱簿上既有郵戳自應負責毫無錯誤本社又從他方面根究其原因或因住址遷移無法投遞或因門房視爲印刷品不甚措意甚有某宅於收到要誌時被他人拆閱隨手拋置而本人並未寓目嗣又檢出者此皆查明之實在情形也此後務乞購閱諸君格外注意隨時稽查如有住址遷移尤望從速將詳細地點及門牌號數函知本社發行股是爲至禱

悟善社發行股謹啓